



ATASSUT

21.10.2015

Steen Lyngé

UKA 2015/134

Sumiiffinni aalajangiiffissatut siunnersuutip tunngavilersuutaani ilanngussamilu nalunaarsorsimasuni qalorsuarsorluni aalisarnerup inerteqqutaalernissaa pillugu periarfissamik – taassumalu aningaasatigut kingunissai pillugit misissuineramik – Naalackersuisut Inatsisartunut agguasseqqullugit Inatsisartut aalajangiiffigisassaattut siunnersuut.

(Inatsisartut ilaasortaq Nikolaj Jeremiassen, Siumut)

ATASSUT-miit qalorsuarsorluni aalisarnerup piffinni aaliangersimasuni siunnersuummi taaneqartuni inerteqqutaalernissaa pillugu siunnersuut saqqummiunneqartoq soqutiginnilluta qimerloorsimavarput.

ATASSUT-mit isumaqarpugut sukkulluunniit pingaaruteqartuortoq nunatta pissarititaanik uummassusilinnik uumaatsunilluunniit atorluaanerup eqqarsarluarluni sapinngisamillu piujuartitsinissamik tunngavilimmik aallaaveqarnissaa.

ATASSUT-mut aamma pingaaruteqarpoq, tusarniaanermi akissutigineqarsimasut ilaatigut Naalackersuisut siunnersuummut atatillugu akissuteqaataanni eqqaaneqartut tusaaniarnissaat. Pinngortitaleriffiup ilaatigut akissuteqaammini eqqaavaat, piffimmi pineqartumi aalisartoqartoq, kisiannili oqaatigineqarsinnaanani qanoq annertutigisumik, tamatumunnga ilaatigut peqqutaasoq tusarniaanerup ingerlaarnerani angumerineqarsinnaasimannngimmata paasissutissat annerusut pissarsiariniarnissai, taamaaliussagaannimi KANUAANA-mut umiarsuit ingerlarnanik nalunaarsuivinnut nalunaarsorsimanerit annerusumik misissuisoqartariaqassammat.

Tusarniaanermut piffissarititaasup iluani aamma Sulisitsisut tusarniaanermi qisuariaateqarsimapput, taakkulu tikkuarpaat piffiit ilumut kinguppannut tukertitsiviusinnaaneraanut uppernarsaatissaqarsorinngilaat, tamannalu tunngavingalugu siunnersuut tapersersinnaanagu. Tamanna tunngavingalugu aamma ATASSUT-mit siunnersuut tapersersinnaanngilarput, taamaattumillu siunnersuutip itigartitsissutigineqarnissaa innersuussutigissavarput.

Qujanaq!